

SI' SI' TRIESTE, MI TE AMO SEMPRE

Sule tori l'alabarda / e la crose su in piazzal,
de 'sta gente mai bastarda / xe sta' l'unico ideàl.

Quatro muri de fortezza / i seràva la zità,
ma 'l gran fior de la bellezza / mai qua dentro el ga mancà!

Sì, sì, Trieste, mi te amo sempre / amo i tui fior, li go sul còr;
qua go la cuna, qua go la tomba / viva Trieste, tera de amor!

Da Cabòro zo in Cavana / da Donota a San Micèl,
a do' colpi de campàna / come un fulmine del ciel,
cento spade, cento cori / iera pronti, ve so dir,
con un bàso de 'sti fiori / ben contenti de morìr.

Sì, sì, Trieste, ecc.

Xe ben caro quel fioreto / che vien su de 'sto giardin;
chi vol altri sul suo peto / no xe vero triestin.

Pute, cari, bei tesori / che i ve dighi quel che i vol,
sé voialtre 'sti gran fiori / e Trieste el vostro sol.

Sì, sì, Trieste, ecc.